

**Landesbibliothek Oldenburg**

**Digitalisierung von Drucken**

**Jahrbuch für das Oldenburger Münsterland**

**Vechta, Oldb, 1969-**

Karl Heinz Lübbehüsen: Kinnerhand

**urn:nbn:de:gbv:45:1-5285**

*Karl Heinz Lübbehüsen*

## Kinnerhand

So weik un so ganz sachte  
ligg se vull Vertrauen  
dor up miene Hand.

Se is noch so lüttket,  
over aalens is d´ranne  
un vull uk forts tau bruuken.

Bedächdig un uk forschend,  
sinnig un uk fraogend  
bewäget sük de Fingers.

Maol mehr föhlen, maol mehr tasten,  
maol schuvv se, maol treckt se,  
begripp sik so de Welt.

Ik laot se so gewehren,  
se will ja noch väl lehren,  
ik bünn ganz behött.

Ein heil bunt Beldken,  
wat de lüttke Hand heff maolt,  
hebb ik uk all krägen.

Uk schnippeln un uk kläwen  
käönt de fliedigen Finger  
de moisten Dinger.

*Gertrud Herzog*

## Dat eierste Greun

Taudeckt is dat Feld mit Frost  
Winteraohnen noch up Eern  
doch ick feuhl in miene Bost  
bold will `t wedder Fräuhjohr weern.

Ut dat frischk falgde Land  
eierste greune Quäken  
deipe For at langet Band  
Schneiwaoter inne Bäken.

Schneiglöcksken quält sick ut dei Grund  
behött van kruuse Lindenblöör  
bold is dei Welt weer düchtig bunt  
un staiht un blaiht in duusend Klaör.

